


內銓奏草

卷之三



內銓奏草卷之三

回奏參論疏


奏爲遵

旨回奏事臣於本月初五日文書館抄出見尚
方院右議郎臣劉吉祥題爲首臣喪心置
黨權勢愈張謹特疏直糾仰祈

宸斷大奮

乾剛立加罷褫以清

君側之蠹以明三尺之法事內云臣聞去奸者



務窮其弊除惡者務斥其非斯所以消禍患於未萌塞狂瀾於將至欲遏炎炎之勢當於熒熒之始也臣伏見司吏院院臣王進善舉動乖張漸肆無忌招權樹黨翫法徇私臣曾以其代王德化之寬罪具疏直論其失矣乃院臣巧於彌縫文身飾過荷

蒙

皇仁浩蕩已徼寬宥之恩然臣之賦性愚戇深惡院臣之非故不避其兇鋒敢再指其罪

狀一一臚列爲我

皇上陳之當額墮之被逮也其搶奪霸占非刑私拷種種不法之事然長安自有公論問理自有尚方定擬自有罪案

宸衷自有鑒裁夫何院臣主令諸臣群然攻擊遂與_臣院左承議臣吳良輔協同具銜有群臣各執偏私大傷

國體懇乞

特遣大臣從公詳鞫以息紛囂以結

欽件壹疏矣總督臣郭慎行又有諸臣讞獄不公狗私骫法上蔑

明旨下辱官常謹特疏糾參仰乞

乾斷以勵群工壹疏矣原任尚方院議郎今陞司設局局正臣徐廷軌又有痴忠盡職取
忌

隆恩優渥鑒原謹再剖瀝未悉悃情仰塵

睿察等事壹疏矣臣院議郎臣盧添壽又有院臣偏向不公黨惡顯著謹特疏

上聞仰乞垂鑒壹疏參論司吏院副理事官周天成矣巡守景山等處臣程章又有黨私之形已著狗庇之罪莫辭謹再疏特參以明法紀壹疏參論各衙門之官矣又尚膳監右監副李國柱有諸臣會讞無能悖旨狗私有據謹具疏直糾仰祈嚴飭以儆官邪以昭

國是壹疏參論會審諸臣矣又提督御膳房

呂秉乾有

嚴旨會審甚明諸臣狗庇甚著謹具疏題參以彰公道以儆黨私壹疏亦論及於各衙門矣一時彈章疊至總非諸臣之本心糾劾紛紜悉出院臣之主使不過因額贈之一事角無已之口舌院臣猶然自稱試試我的手段何如吁是何言也院臣身爲大臣不能持已秉公以正

國是而誇張手段氣壓群臣而令其各具彈文以飾其主使之意諸臣果皆心悅誠服

傾以甘廳其願指者哉特以其勢焰克張權

禁闈有不敢不從之耳其更可異者院臣操權衡之重有黜陟之權凡平昔之媚已者則沾其青盼之榮其素日之不相得者則置之閑散之地如林允升蕭震生趙志儒仇邦寧楊兆吉劉有恒劉緒遠張懷忠投認院臣之門生則楊兆吉等皆陞之於本院親信名下如徐臻治宋進忠則任意陞

內銜奏章 卷之三
遷不拘常格本院副理事官王應聘以罰
俸細事卽掠美市恩代題求免殊不知陞
降權衡乃

朝廷之權衡也院臣蔑法胡行敢竊

朝廷之權衡而遂一己之私欲其他尚忍言哉
臣固知院臣之罪狀已昭昭在人耳目之

間

皇上不卽加譴責以謝人言而猶弘
天地之慈曲賜涵蓋臣正恐

皇上之仁愈寬而院臣之罪愈重養癰之勢誠
慮其權柄益重人心益危倘其任性橫行
愈無顧忌爲

國之患也不小矣臣與院臣素無讐隙獨以
臣之直性難回特復疏以論院臣之罪伏
乞

鑒察如果臣言不謬

亟振雷霆將院臣速行罷免仍

勅該管衙門詳察議罪庶

離照之明鮮雲翳障蔽之礙而

肝腋之下無憑依恣肆之臣矣順治拾叁年肆

月初貳日題本月初肆日奉

御旨這所參事情着王進善自行回奏欽此竊

臣陋劣無才原多過犯屢蒙

皇上寬貫及臣疊疏乞休仍蒙

留用

皇恩隆重高厚難名乃臣進善遇

皇上國士之知而未能圖國士之報數月以來

隨行逐隊未展一籌院臣糾臣實臣奉職

無狀不能弭止人言臣方捫心自慚措躬

無地乃

睿慈優容復令回

奏臣敢不一一據實陳之夫會審額墮一事

當日承議臣吳良輔會審回來見各官紛

紛不已寫就本稿與臣商議協同具銜公

疏

題參遂有群臣各執偏私大傷

內鏡奏草
卷之三
國體懇乞

特遣大臣從公詳鞫以息紛囂以結

欽件壹疏原是承議臣吳良輔因公起見再三

與臣商議公疏

題叅以見人臣不敢坐觀之意初未常言及
額墮案中情理之是非與定擬之可否院
臣何謂搶奪霸占非刑私拷種種不法之
事長安自有公論問理自有尚方定擬自
有罪案

宸衷自有鑒裁夫何院臣主令諸臣群然攻擊
等語既是協同具銜何獨謂臣主令此則
不待辯而自明者也總督臣郭慎行有諸
臣讞獄不公徇私骫法等事壹疏亦謂臣
之主令然而督臣前係文書館左司文臣
係前任總督品位無轄豈肯聽臣主令况
臣與督臣因舉薦人材一事累牘爭論殊
見參商

皇上之所洞鑒者督臣既聽臣主令矣而與臣

內鈔奏章 卷之三
爭論參商恨不致臣於死地者何也抑亦
院臣獨不聞乎此又不待辯而自明者也
原任尚方院議郎今陞司設局局正徐廷
軌有痴忠盡職取忌

隆恩優渥鑒原謹再剖瀝未悉悃情等事壹疏
亦謂臣之主令然議郎臣徐廷軌之疏察
係捌月貳拾肆日具題與諸臣糾叅之日
相去甚遠此蓋本人事後辯寃之本與臣
有何干涉此又不待辯而自明者也尚方

院議郎臣盧添壽有院臣偏向不公黨惡
顯著等事壹疏亦謂臣之主令然臣非會
審之官不在會審之列如周天成閉目側
身等事臣何由知而令其入叅本也此又
不待辯而自明者也巡守景山等處臣程
章有黨私之形已著徇庇之罪莫辭等事
壹疏亦謂臣之主令夫巡守既非痴人又
非孺子寧肯俛首聽臣主令此又不待辯
而自明者也至於膳尚監右監副李國柱

有諸臣會讞無能悖

旨狗私有據等事之疏又提督御膳房呂秉乾
有

嚴旨會審甚明諸臣狗庇甚著等事之疏總之
人各有懷言各有志而院臣獨云一時彈
章疊至總非諸臣之本心糾劾紛紜悉出
院臣之主使嗟嗟糾彈何事也主使何謀
也諸臣非臣骨肉非臣至親誰無身家誰
無性命而肯爲臣一呼諾諾如此其靈且

齊乎臣從未聞人有本心不然之事而肯

以身家性命爲人指揮者至若謂臣操銓

衡之重有黜陟之權如林允升等認臣之

門生則楊兆吉等皆陞之于本院親信名

下如徐臻治等任意陞遷等語然臣雖備

員吏院而吏院之官不止臣一人案察拾

貳年拾月初伍日林允升補司吏院右院

使臣院掌印臣張嘉謨副理事官臣張弘

道張光先院副臣王庸知事臣劉餘祐等

列名公補豈臣一人单本題補者哉案卷見在非臣任意陞遷也明矣趙志儒於拾參年貳月初肆日補司設局局郎蕭震生同日補兵仗局局郎臣院副理事官張弘道王應聘院副王庸院丞楊兆吉院使孫謀林允升諸臣列名公補臣未嘗列名案卷見在非臣任意陞遷也明矣楊兆吉於拾參年正月貳拾參日陞司吏院右院丞臣副理事官張弘道王應聘院副王庸院劉有恒劉緒遠張懷忠徐臻治宋進忠等於拾參年參月貳拾日添補

使孫謀林允升等諸臣列名公轉臣亦未嘗列名案卷見在非臣任意陞遷也明矣劉有恒劉緒遠張懷忠徐臻治宋進忠等於拾參年參月貳拾日添補御前近侍係臣進善及副理事官張弘道王應聘張光先界大院副王庸院丞楊兆吉院使孫謀林允升諸臣列名公題豈臣一人单本題補者哉案卷見在非臣任意陞遷也明矣仇邦寧於拾貳年玖月初玖日題

內金... 卷之三
准以從五品缺用臣院掌印理事官張嘉
謨副理事官張弘道王應聘院副王庸劉
吉祥院丞孫尚德院使穆興邦知事劉餘
祐諸臣列名公題臣并未嘗列名而院臣
前曾列名者反亦謂臣任意陞遷况張嘉
謨係掌印之官臣何能主使張弘道等均
在列名何獨參臣此則臣所不解爲何說
者也院臣云平昔媚已者則沾其青盼之
榮素日之不相得者則置之閑散之地夫

何不明指媚臣者如何而媚何據何証不
相得者爲誰置閑散之地者爲誰而但以
砌語裝陷謬逞狂瞽如斯也至於臣院副
理事官王應聘因罰俸臣爲代
題臣原疏已悉原因極苦下情以臣子有聞
必告之義不敢不爲上達業蒙
睿慈恩免此則

皇上之美德

皇上之隆恩於臣何涉而院臣謂臣掠美市恩

則又謬甚矣夫院臣謂臣權傾
禁闥竊

朝廷之權衡等語其視

禁闥爲何如地視

朝廷爲何如君而云傾云竊此臣甚爲之駭異
者如陞遷免罰二事是蓋

朝廷至公至仁之賞罰臣子至謹至誠之遵奉
皇上之獨斷已詳群工之聞見最真累月及年
已成舊事院臣今日搜腸索詞而追已往

良亦苦矣至若攻巨惡訐伏奸要必詳訪
陰私確列証據欵跡鑿鑿而後爲

君除蠹爲

國消患名正言順顧院臣首則謂臣喪心張
權再則謂臣蔑法胡行又謂臣自稱試試
我的手段何如又云養癰之勢不至於潰
裂不已也又云任性橫行爲

國之患也不小矣種種叅語恨不登時寘臣
於法及其所叅事實非株連已結之案則

內銓奏草 卷之三
空饒無根之談臣喪心乎院臣喪心乎臣
不知其所由來矣總之臣才庸品劣數被
指叅又何顏立於

內庭之上伏乞

皇上俯賜乾斷立行斥逐以謝人言臣不勝悚
息待

命之至臣因一一據實回

奏不覺言之逾格惟

皇上憐而宥之爲此具本謹具奏

聞伏候

勅旨順治拾叁年肆月貳拾日奏本日奉

御旨這回奏情由事關重大著司吏院察議具

奏欽此

再陳被論疏

奏爲叅人漫無指摘殊屬欺

瀆仰祈

睿斷卽賜洞鑒以究真跡事臣聞人惟不言而
後言必有中人惟無責而其出言必輕是

內金奏草 卷之三
寡言與輕言之間可以覘人之伎倆定人
之心術矣如院臣今日叅臣之本臣則不
能默然無辯也院臣前疏叅臣雖云虛詞
妄

瀆然猶有一二款言開列臣已逐款實陳於回
奏之中奉

旨議奏是兩造俱訊院臣與臣惟宜靜聽爲是
乃於本月初叁日復有院臣辯論多端明
屬飾罪謹再疏

上聞以正是非以昭

國憲事壹疏內稱臣前具有首臣喪心置黨
權勢愈張等事壹疏特糾司吏院承院臣

王進善業蒙

宸衷洞悉令其自行回奏復奉

嚴旨著該院議奏仰見

日月之光無微不燭

離照之下纖細無遺臣似可靜聽

天裁不容再置一喙矣然見院臣回奏之中反

內鈔奏草 卷之三
復飾辯萬語千言總之欲文飾其非以蓋其種種之罪孰不知愈蓋而彌彰矣院臣舉動乖張肆行無忌臣不暇再爲指摘煩
責

宸聰卽院臣之爲人氣燄薰灼欺壓群臣無論其曉底不知有漢臣卽滿洲諸臣彼亦目底全無矣迨臣之直言正論以指其失在院臣宜何如省愆悔過遜謝於

皇上之前以祈

洪慈寬貸而猶極口詆臣其意以臣爲誤論也殊不知臣院原有糾叅之責又奉有風聞入

告之

勅旨臣有風聞尚欲入

告豈有目擊院臣之非而不據實陳之於

皇上也臣於是而又有說焉院臣位尊權重口是心非臣以迂直屢有彈摘在臣固曰盡臣院之職掌在院臣之銜臣恨臣固已入

骨矣儻有微隙可乘院臣必懷報復是臣
種毒於院臣者不淺臣取忌於院臣者亦
不淺臣將來不知作何結局總之臣有責
者也上賴

皇上之明察下盡臣子之職業在位一日盡一
日之言責卽院臣銜臣恨臣亦所不恤耳

統乞

皇上裁鑿施行臣初以爲必有鑿鑿聳聽之言
可以落臣於井而下之石也及其細閱則

理屈自然詞窮構結浮言徒擾

天聽如謂臣萬語千言總之欲文飾其非以蓋
其種種之罪罪曰種種極言其多文飾之
詞至萬語千言豈無可指何不明列其罪
直辯其言而但以套語漫聒何也如謂臣
舉動乖張肆行無忌不暇再爲指摘既有
首疏彈臣今則復劾必其指臣之跡摘臣
之過較前疏更詳乃前後不啻數百言臣
如何乖張如何無忌并未分別猶云不暇

再爲指摘臣不知更待何時始暇指摘也
如謂臣欺壓群臣曉底不知有漢臣并目
無滿洲諸臣臣何事欺壓所欺何人滿洲
中爲誰漢臣中爲誰不列其名不指其事
天下有具疏叅人而可以含糊抹稜者乎
如謂目擊臣非據實陳之臣又不知見臣
何非據臣何實則又含糊不明之甚者也
至謂臣啣恨入骨必懷報復使臣有過而
院臣叅之則臣罪應得臣復何恨使臣無

過而院臣叅臣則罪在院臣臣又何恨獨
怪院臣之疏通篇浮語欺

上枉下無事而擾大玷言職若不
亟賜儆飭則饒舌妄

瀆之端臣恐正無抵止也合無

勅令指實真跡詳細辯言與臣對質則是非立
見而浮泛無忌之詞亦可稍杜於後至也
爲此具本謹具奏

聞伏候

內金奏草 卷之三
勅旨順治拾叁年伍月拾壹日奏拾肆日奉
御旨著一併察議具奏司吏院知道欽此

三陳被論疏

奏爲因

寵招煩言之謗無端蒙累至之疑謹據疏控陳

仰祈

睿鑒以杜

內庭之紛擾以存孤弱之餘地事准文書館
抄出尚方院右議郎臣劉吉祥有院臣權

勢愈重人心愈危謹冒昧再陳仰祈

速賜罷斥以全

君臣之始終以弭將來之大患事壹疏內稱臣
前疏論司吏院承院臣王進善氣壓同類

過惡多端荷蒙

睿鑒昭垂卽

命院臣自行回奏迨其回奏之後以事關重大
復令該院察議仰見我

皇上秉天下之大公杜將來之物議在內臣工

內鏡書
卷之三
六
無不仰服

乾斷而臣之私心揣摩院臣必杜門悔罪靜聽
區處矣豈其院臣漫無顧忌恬不在心服
官如常行徑如故位尊權大視糾劾爲等
閑氣傲志揚覲

國憲爲常物滿漢大臣旣各懷畏懼之意中
外臣子又豈無趨奉之心勢不可縱漸不
可長倘其日甚一日愈加胡行恐魏忠賢
之故轍復見於今日矣臣內臣也院臣亦

內臣也臣與之無釁無讐不能修好以昭
和衷之美亦何苦自相殘害直言不避屢
觸其鋒特以微臣身受

國恩愧無報荅惟有知無不言言無不盡庶
幾仰酬

高厚以盡職掌臣目擊院臣之爲人深慮成異
日之患故不憚瑣聒屢瀆

宸聰伏乞

皇上俯察愚臣之痴忠狂直無他肺腸

內鏡奏章
卷之三
函將院臣

正加罷斥使其省愆改過洗滌前非以成
皇上始終提撕之美以免院臣日益沉溺之害
是

曲賜成全之恩愈於

寵眷一時者倍倍矣臣自知屢有彈劾取院臣
之大忌招多言之罪愆誠非保身名之計
然義激於衷情急勢迫有不容已於言者

統准

皇上鑒察施行等因奉

御旨著一併察議具奏司吏院知道欽此臣閱
一周不覺爲之太息蓋以從來具疏叅人
者糾愆彈罪指事而言引跡以証猶恐涉
之虛妄失之過誤今吉祥之詞險而無憑
嫉而可駭此臣所以爲之太息者也彼言
臣漫無顧忌位尊權大氣傲志揚覲

國憲爲常物等語不知吉祥指臣何事爲言
也臣歷吏院係

內鏡奏草 卷之三
三
朝廷簡拔非臣之罪甚明若漫無顧忌氣傲志揚臣傲何人無忌何事臣犯

國憲又係何條至謂滿漢大臣各懷畏懼中外臣子豈無趨奉如此等語俱是猜疑未定之詞豈有在

君父之前而可以疑詞屢瀆者既無一事指實乃徒以魏忠賢之故輒希圖聳

聽此則吉祥之詞險而無憑嫉而可駭者也如謂私心揣摩院臣必杜門悔罪靜聽區處

吉祥之詞未嘗指出臣罪而輒欲臣杜門聽處及謂臣服官如常行徑如故又謂勢不可縱漸不可長深慮成異日之患等語是必欲臣不服官而後始無異日之患是逆期

皇上必加罷斥而後始遂中傷之計也總之臣以孱弱孤調寡和蒙

恩簡拔大千人忌翻雲覆雨不致臣死地不休也臣境至危臣魂亦慘惟

內金奏章 卷之三
皇上立賜罷斥以謝人言俾臣得以避無風之
波卽

慈恩之施及於無窮也臣無任惕厲瞻
天之至爲此具本謹具奏

聞伏候

勅旨順治拾叁年伍月貳拾玖日奏閏伍月初

壹日奉

御旨著一併察議具奏司吏院知道

奏辭祿米疏

奏爲祿養已屬非常

恩賚尤爲逾分謹披瀝控辭懇

收成命以安蟻分事恭照

皇后愈安

普天同慶凡屬臣子莫不舞忭歡欣迺蒙

恩澤覃敷凡

內庭效勞諸官皆蒙

恩賚昨該臣院遵

諭議奏臣進善歲加祿米拾貳石題奉

內金奏草 卷之三
三
欽依通行在案臣聞

命自天感啣無地竊臣材本凡庸猥蒙

知遇職居一品濫竽銓衡歷叨祿養尚懷福過

之憂復荷

恩加更切生災之慮用是揣分控辭伏冀

俯鑒愚忱

准收成命俾臣仍叨舊祿庶愚臣蟻分得安而

恩予不致濫及矣臣曷勝激切待

命之至爲此具本謹具奏

聞順治拾叁年閏伍月拾柒日奏本日奉

御旨王進善抒猷克慎蒞事惟勤吉典加恩已

有成命著卽祇受不允所辭該衙門知道欽

此

再辭祿米疏

奏爲加祿固出

天恩臣義萬難祇受謹再疏懇辭仰乞

俞允以安卑分事恭遇

皇后愈安吉典率土同歡迺當

內錄奏草 卷之三
恩賚普頒臣進善亦蒙歲加祿米拾貳石臣隨
具疏控辭本月拾柒日奉

御旨王進善抒猷克慎蒞事惟勤吉典加恩已
有成命著卽祇受不允所辭該衙門知道
欽此臣踧聽

恩綸弗勝感激切臣一介庸愚歷荷

顯擢濫叨銓選每憂覆餗之虞干竊祿糧恒切
素餐之懼卽見受者已爲逾分而
特加猶屬非常况器小易盈福多滋懼

大庖玉粒豈堪糜而復糜

天府祿糧安取過而又過雖

恩賚有加而無已然微臣揣分以難勝用是瀝
誠再辭伏乞

鑒臣真誠

亟寢成命庶

特典不致濫竽而愚臣少安義命矣臣曷勝懇
切惶悚之至爲此具本謹具奏

聞順治拾叁年閏伍月貳拾壹日奏貳拾伍日

內
奉

御旨王進善勤練服事勞著宏深加恩原屬特
典著遵旨祇受不准辭該衙門知道欽此

三辭祿米疏

奏為

加恩吉典固出非常自揣臣心終難覩受謹參

疏控辭乞

賜鑒俞以全臣誼事頃以
國母愈安

覃恩廣被在內臣子咸沐

殊恩臣進善亦霑

加祿之典臣以義不獲安兩疏具辭本月貳拾

伍日奉

御旨王進善勤練服事勞著宏深加恩原屬特
典著遵前旨祇受不准辭該衙門知道欽此

臣跪聽

天言感銘心骨竊念微臣出自草茅猥蒙

顯擢尸位內銓之首濫叨極品之精戈戈無補

內金奏章 卷之三
常懷竊祿之羞碌碌備員每懼伴食之誚
是見受猶爲過分而

特加其何能堪况滿盈之懼垂戒格言而覆餗
之憂昭諸經義用是參瀝悃誠伏乞

俯鑒微忱

亟收成命庶

上無濫及之恩而下有知足之義矣臣曷勝屏
息待

命之至爲此具本謹具奏

聞順治拾叁年閏伍月貳拾玖日奏本日奉

御旨王進善衡掄吏政銓序澄清覃恩固出彝
典乃屢疏控陳益見恬讓特准辭免以成持
廉之意該衙門知道欽此

因言求罷疏

奏爲望輕累致人言才劣委難重任乞

賜罷免以謝萋菲以安臣分事竊照

國家設官用人懸祿待士雖位有大小之殊
廩有厚薄之別然必才以稱官官以稱事

才望可以壓眾德行足以服人

明良遇合上下相安則蘊奇者可以展布其才而當路者自無多憎之口如臣年穉才踈學問淺鮮既乏知人之鑑復無素望之孚徒以

知遇之隆遂荷內銓之寄受事以來已逾一載雖憂時條議屢上公車芻蕘末言累蒙

鑒納然論匪匡時術乏經世不過以痴忠之見遂為獻納之言此其伎倆已窮鄙陋已見

糾論之及接踵見聞如院臣劉吉祥因諸臣參論額增一案叠疏飛彈稱臣主使仰荷

睿度如天不加

顯逐仍慰臣以留任臣敢不感激

天恩勉圖報稱無奈臣心蹟雖白而不能和衷再蒙撫躬滋懼對影生慚既無濟世之術

以仰荅

主德徒來群小之言以擾亂

宸聰是臣罪益大臣懼益深臣倘在位一日必
多一日之譽戾用是瀝誠控辭伏乞

鑒臣詞出真誠言無假托

亟賜放免別

簡賢能臣生當啣環死圖結草世世生生永佩
洪慈於無既矣臣曷勝悚息待

命之至為此具本謹奏以

聞順治拾叁年陸月初玖日奏本日奉

御旨王進善典承銓務久協輿論前經會議心

蹟益明還宜殫力料理不必引陳求退該衙
門知道欽此

因言再陳求罷疏

奏為微臣情苦至極叩首再乞

恩放以重內政以全廉耻事該臣昨以望輕累
致人言等事壹疏冒昧干

聽謬荷

優綸王進善典承銓務久協輿論前經會議心
蹟益明還宜殫力料理不必引陳求退該衙

門知道欽此臣捧讀三復仰見

皇上寬臣以恩勉臣以義臣非木石寧不感奮

但就臣言臣逆恐

御恩有必不能報臣義有必不能全者不更訴

之

天地父母之前而誰訴哉伏念銓院一官爲

內庭官秩及各官才品出入進退之地居此

任者代

朝廷賞罰之大權持諸臣賢否之衡鑑一經蒙

垢將衡焉而不平鑑焉而不明矣古云有
官守者不得其職則去

皇上試閱

內庭諸臣中有物議頻罹蒙垢特甚如臣焉

者乎此臣溺職之尤大悞銓政恬然不去

則鮮廉寡耻孤

恩垂義莫臣爲最也此臣情出萬分無奈事至

萬分難處不得不再乞

天恩推心察分伏懇

內鏡奏草 卷之三
皇上矜憐極苦俯賜生還使糞土賤臣稍完節
義則衆情允乎臣可厚幸爲此激切具奏
以

聞伏候

勅旨順治拾叁年陸月拾貳日奏本日奉

御旨王進善貞篤存衷寅畏濟事內銓首務正
藉料理前旨已明不必過慮固辭該衙門知
道欽此

因言三陳求罷疏

奏爲居位之罪莫大於辱

國立身之耻莫甚於滅名三疏乞

憐俯從辭免以救敗覆於萬一事恭照人臣立
朝未求有功先求無罪但人臣之罪作於積
而成於毀也然與其止毀不若毋積此蓋
由臣智不足以檢身才不足以任事日延
日甚積罪致疑故不免於衆毀銷骨也臣
見於此日夜憂心於陸月拾貳日有微臣
情苦至極等事壹疏乞

內金奏草 卷之三
恩求罷仍荷

御旨王進善貞篤存衷寅畏濟事內銓首務正
藉料理前有旨已明不必過慮固辭該衙門
知道欽此伏思臣今日之身係

皇上再造之身自頂至踵非臣所有即使粉軀
碎骨臣復何惜祇以銓政係

國家首務臣係銓曹首臣是臣以么麼首承
重任則覆餗之虞與負乘之羞交恐於內
雌黃之議與萋菲之口交加於外敗身辱

國恐一誤不堪再誤也惟是臣兢兢一念微
隙一明早求

放斥則自知其不可不敢戀位以妨賢路是猶
可以贖不肖之耻是猶可以寬悞
國之罪不然則物議落魄之人厥於政治有
不至敗覆不已者也

皇上卽破格留臣是益中臣不肖是益任臣悞
國則向之雌黃人物萋菲口舌猶屬空言今
將敗覆之實蹟正不知作何狀也臣才雖

關心知爲

國故至誠至懇激切控辭哀乞

睿察俯從前請生世啣

恩爲此激切具本謹奏以

聞伏候

勅旨順治拾叁年陸月拾伍日奏本日奉

御旨王進善勤誠素著才識優長院務殷繁還

宜安心料理不必屢引人言陳請求罷該衙

門知道漢字本內貼黃述旨俱多一有字著

刪正行欽此

恭進條議疏

題爲條陳銓政仰備

採擇伏候

勅下議覆以明職守事臣進善樸斂無才不足

仰承

重寄自蒙拔授銓衡慚無寸補以盡職業倘仍

悠忽從事將曠溺之愆日滋以深其何以

上荅

內金奏章 卷之三
皇上天高地厚之恩下免人臣竊位素餐之耻也謹就臣院事宜再四參酌舉凡與制例有所未協矩矱有所不符者一一而考求之人材必求真得弊端必求永杜臣雖暗昧早夜揣摩詳慎推敲貳拾餘款每爲一本爲我

皇上次第舉陳卽或見有未周言非皆當統祈皇上勅下臣院滿漢諸臣逐一確議可否是非務期各當制例一備自可永遵不惟吏治

人材均有裨益卽臣職亦可稍盡以報

御恩於消埃矣臣未敢擅便謹題請

旨順治拾叁年陸月拾陸日題本月拾柒日奉御旨這條奏各款俱有裨銓政王進善竭盡忠誠知道了該衙門知道欽此

肆拾陸東邊照部文每百壹石

肆拾陸東邊照部文每百壹石

肆拾陸東邊照部文每百壹石

肆拾陸東邊照部文每百壹石

肆拾陸東邊照部文每百壹石

